

Sel Prestuhn
Thomas S. Monson



Kuhlwacnsapuh Leum ke Luhngse

Leum Jisus Kraist El luti, “Tuh el suc luhngse molwelah moul lal ac fah tuhlac luhkwel, ac el suc moul lal tuhlac luhkwel keik, fah molwelah moul lal” (Luk 9:24).

“Nga luhlalfongi,” Prestuhn Thomas S. Monson el fahk, “Mwet Lahngo El fahk nuh sesr lah kuht fin tiac tuhlac in kuhlwacnsapuh mwet sahyac, srihklac srihpac ke moul lasr sifacna uh. Elos suc moul muhkwenaw kwaclos sifacna uh ac tuhfah molokweni ac tuhfah tuhlac moul lalos, ke elos suc tuhlac moul lalos ke kuhlwacnsapuh mwet sahyac uh kapwack ac fokokoi—ac sahflahiyac uh molwelah moul lalos.”¹

Ke pohloh fahk ten ke luti lal Prestuhn Monson an, el ahkacsmakihnye Mwet Luhlalfongi ke Lwen-sahflah lah elos pa poun Leum ac lah mwe in sewowo luhn ma pahpaht tuhpanuhlos suc oaru in kuhlwacnsapuh mwet sahyac uh.

Kuhlwacnsap lun Tempuhl

“Kuhlwacnsap wowo oreklac ke kuht oruh akwuck oreklac nuh selos suc ma misac tari. Ke ohiyac pucspuc kuht nihkanuhlos suc kuht oruh orekma uh nuh se uh. Kuht tiac motko in kulohkihnyuck, kuh kuht tiac etuh lah elos ac in sese nuh ke ma kuht oruh uh. Tuhsruhktuh, kuht kuhlwacnsap, ac ke oruh sac kuht eis ma ma tuhkuh ke wacngihn kuhiyac sahyac kac:

kuht ekihn mwet lahngo ke Ohl Saion. Ke Mwet Lahngo lasr El sang moul Lal in oa sie kih sac oreklac nuh sesr uh, kuht pac, ke kuhtuh ohiyac srihsrihk, oruh oacna ke kuht oruh orekma nuh sin mwet misac lun tempuhl nuh selos suc koflah kihluck nuh met ne ke na oasr ma oreklac nuh selos sesr suc oasr inge fin facluh.”²

Kuht Pa Poun Leum Uh

“Tamuhlwel ac tahmtahel wiyuck an, kuht rauniyuckyak sin mwet ma enenuh pacl lasr, ahkkweyeyuck lasr, tahpuhkyuck lasr, ahkwo lasr, kuhlwacng lasr—elos finne sucu, kawuck, mwet wiyacsr, kuh mwet sac uh. Kuht pa poun Leum inge fin facluh uh, ke kunohkohn se in kuhlwacnsap ac sruhk tuhlihk Nahtuhl uh. El luhlalfongi kuht kais sie. . . .

“Kuhlwacnsap sac ma kuht nohfohn pahngpahng nuh kac pa kuhlwacnsap nuh sin Leum Jisus Kraist.”³

Kuhlwacnsap ke Nguhnihn Mwet Lahngo

Ke Facluh Sasuc se, Leum moulyak El fahk lah kuht etuh ma ma kuht enenuh in oruh ke Alu Lal uh; tuh orekma kuht liye El oruh uh pa kuht in oruh uh [Liye 3 Nephi 27:21].

“Kuht ahkinsewowoye mwet sahyac ke kuht kuhlwacnsap ke nguhnihn ‘Jisus luhn Nazareth . . . suc som ac oruh ma wo’ [Orekma 10:38]. God El ahkinsewowoye

kuht in konwacack engan ke kuhlwacnsapuh Pahpah tuhmasr Inkuhsrao ke kuht kuhlwacnsapuh tuhlihk Nahtuhl fin facluh.”⁴

Enenuh Se in Kuhlwacnsap

“Enenuh in utuckuh pacl se lasr in kuhlwacnsap. Nuh selos mempucr ma mihsrwelac liki mukwikwi kuh suc muhta tiac ke wi oruh ma uh, kuht kuh in pruhe in suk ke kuhtuh inkacnek in sonolos. Siyuck selos in kuhlwacnsap ke kuhtuh ma uh kuh in oruh ohiyac se elos in fohlohk wi mukwikwi uh. Tuhsruhk mwet kol ingacn suc kuh in kahrshu ke nguhsr se inge pa kuhtuh pacl uh tuhpuwk in oruh oacna. Kuht enenuh in sang nuh in mwe nuhnak uh lah mwet uh kuh in eklac. Elos kuh in fihliyac nuh sahyac oruh koluk lalos an. Elos kuh in auliyak ke ma koluk uh. Elos kuh in nwacsnwacs in orekmakihn pristut. Ac elos kuh in oaru in kuhlwacnsapuh Leum.”⁵

Kuh Kuht Oruh Ma Nuh Kwewa Kuht Enenuh In Oruh Uh?

“Facluh enenuh kahrshu lasr uh. Kuh kuht oruh ma nuh kwewa kuht kuh in oruh uh? Kuh kuht esam kahrshu lal Prestuhn John Taylor ah: ‘Kowos fin tiac ahkfalye pahng lowos an, God lac usot mwacta nuh suwos kwaclos suc kowos kuh in molwelah kowos fuhnuh orwacalah ma kunowos?’ [*Luti luhn Prestuhn ke Alu uh: John Taylor* (2001), 164]. Oasr niyac in tu kuh, paho in sruokwacni, mwe nuhnak in ahkkweye, insiyac in mokle, ac nguha in molwelah. Mwe in sewowo ma pahpaht tuhpan kowos. Pacl wowo lowos in tiac mwet intoe tuhsruhk in mwet wi oruh kac ke yen in . . . kuhlwacnsap.”⁶

MWE KAHRSHU

1. “Meac Nga Orwacalah nuh sin Mwet se Mihsenge uh?” *Liahona*, Noh-fuhmpuh 2009, 85.
2. “Until We Meet Again,” *Liahona*, Mei 2009, 113–14.
3. “Meac Nga Oraclah nuh sin Mwet se Mihsenge uh?” 86, 87.
4. “The Savior’s Call to Serve,” *Liahona*, Ohkohs 2012, 5.
5. “See Others as They May Become,” *Liahona*, Nohfuhmpuh 2012, 68.
6. “Willing and Worthy to Serve,” *Liahona*, Mei 2012, 69.
7. *Teaching, No Greater Call: A Resource Guide for Gospel Teaching* (1999), 12

LUTI KE PWENG SE INGE

“Fin oasr luhngse lowos ma oacna ohiyacn Kraist, kowos ac fah ahkolah wo in luti wosasuc. Kowos fah

mokleyuck in kahrshu mwet sahyac in etuh Mwet Lahngo ac in Ukwac.”⁷ Nuhnkuh in pruhe nuh ke yohkwelihk luhn luhngse pwacye nuh selos suc kowos muhtwacta yohroh an. Ke kowos ahkyohkye luhngse ke ohiyacn Kraist nuh selos uh, kowos fah kuh in kuhlwacnsap ke ohiyac oasr srihpac nuh sin kwewana Leum ac elos suc kowos luti an.

MWET FUHSR

Suhmuhr in Kuhlwacnsap

Sel Elizabeth Blight

Sie suhmuhr ah nga muhta ke sie acn sac orekma yurin tuhlihk srihsrihk ma yohk enenuh la. Ke nga tuhfhahna ohsun nuh sin tuhlihk ah, nga tuhfhahna na pwacye. Nga nihkihn kahrshu laltahl ah, tuhsruhk nga luhlahlfongi lah Nguhn lac fah kolyuc ke sramsram luhk nuh seltahl uh. Ke nga etwacalah kais sie seltahl ah, nga akihlwacnwac lah sramsram uh tiac pa mahsrol in luhngse se. Nga sritacl, isracsr, ac orek tuhfhahna wi tuhlihk uh ac tiac kuh in kutong luhngse wowo nuh seltahl uh. Nga liyacack kuhtuh srihk luhngse ma oasr yurin Pahpah Lucng nuh sin tuhlihk Nahtuhl uh, ac engan ma nwacklah insiyuck upac in ahkuhtweyac.

Pacl nuh kwewa nga kuhlwacnsapuh mwet sahyac uh, nga puhla luhngse tiac muhkwenah nuh sin mwet nga kuhlwacnsapuh uh tuhsruhk oacyacpac nuh sin Pahpah Lucng. Nga etwacalah na pwacye lah ke kuht oruh kuhlwacnsap nuh sin mwet sahyac uh kuht oruh na pwacye kuhlwacnsap nuh sin God (Iliye Mosiah 2:17). Srihpac luhn kuhlwacnsap luhk uh, finne ke kuhlwacnsap ke orekma upac kuh ke mukwikwi in kuhlwacng srihsrihk, pa in ahkenganye God (Iliye Mattu 5:16). Nga finsrak tuh ke nga kuhlwacnsapuh mwet sahyac uh, mwet uh fah akihlen luhngse luhk nuh sin Pahpah Lucng ac Kahlwem luhn Kraist ma tolyucyak uh.

Mwet sihm se muhta fin acn Virginia, USA.

TUHLIHK SRIHSRIHK

Kuhpahsr ke Luhngse

Sang sie mwet mahtuh an in kahrshu kom suhpuklah 28 ipin pwepuh mihnini an, kais sie insis 1 (2.5 cm) sralacp ac insis 8 (20 cm) lusac. Kais sie lwen ke

mahlwem se inge, oruh sie mukwikwi in kuhlwacnsap in ahkkahlwemye luhngse lom nuh sin sie mwet. Kowos ac sahp kahsrh pahpah ninac kiyowos an ahknwacsnwacsye lohm suwos kuh sihmihs sie fahk kuhlwacng an nuh sin sie mwet tuhlan an.

Sihmihs ohiyacn kuhlwacnsap lowos kais sie lwen ke sie ipin pwepuh sihpsihplac lowos an, ac tepiyac kuh fulusyac kapihn ipin pwepuh sihpsihplac an nuh sie in orwacrah sie raun an. Kowos kuh in kapsreni raun sacn in suhrreacng kapihn sie ipin pwepuh sihpsihplac sasuc an ahlukwelah raun se ke lwen met ah met liki kowos tepiyac kuh fulusyac kapihn pwepuh sasuc sihpsihplac an nuh sie. Liye kuhpahsr ke luhngse lowos an ke kapwack! Kowos kuh in srwackna sang nuh ke itut in kuhlwacnsap lowos an tukun sahflah Fepweri uh.

© 2014 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 6/13. Ahkkweyeyucklac ke lweng: 6/13. Lwenglah luhn *First Presidency Message, February 2014*. Kosraean. 10862 868



Misin Muhtahl luhn Jisus Kraist: Mwet Liyacacng Sip Wowo

Pruhe in lutlutkihn kuhfa inge ac suk in etuh ma in akacsruhi kac. Etuh moul uh ac misin luhn Mwet Lahngo ac ahkyohkye fuhkah kuh in luhlalfongi lowos Kacl ac ahkinsewowoye mwet kowos liyacacng ke forfor luti uh? Nuh ke kuhtuh pac ma in etuh, som nuh ke relief society.lds.org.

Luhlalfongi, Sucu, Kahsruh

Pa inge ip se ke Pweng ke Forfor Luti ma liyeyuck ke ma nuh kwewa ke misin luhn Mwet Lahngo.

Jisus Kraist, Mwet Liyacacng Sip Wowo, El luti:

“Kain mwet fuhkah kowos an, nahtuh sip siofok, fin tuhlaç soko selos, kowos ac tiac fihliyac ma yucngucul yuc ah yen mwesis, ac som suk ma soko ma tuhlaç ah, ne ke kowos sokwack? . . .

“Nga fahk nuh suwos, lah . . . oasr engan luhlalp inkuhsrao ke sie mwet koluk suc auliyak” (Luke 15:4, 7).

Ke kuht etwacrah lah Jisus Kraist pa Mwet Liyacacng Sip Wowo se uh, kena lasr ac yohkwelikh in ukwe mwe srihkarak Lal ac kuhlwacnsapuh mwet suc enenuh. Jisus El fahk: “Nga mwet shepherd wo, ac nga etuh ma nuhtihk, ac ma nuhtihk etweyuc. . . . Ac nga engan in sang moul luhk ke sheep nuhtihk” (John 10:14–15). Ke srihpen Iwacrah luhn Kraist, wacngihn sesr fah tuhlaç na pwacye lah kuht tiac kuh in sokwack inkacnek lasr in fohlohk (Iye Luk 15).

Prestuhn Thomas S. Monson el fahk, “Kunohkohn lasr pa in karihngihn un mwet uh. . . . Lwelah

kais sie sesr in kihluckyang in kuhlwacnsap.”¹

Ke Ma Suhmuhsrah uh

Psalm 23; Isaiah 40:11; Mosiah 26:21

Ke Sramsram Mahtuh Lasr

Elizabeth Ann Whitney, suc wi ke miting se emet luhn Rilif Sosaiti, fahk ke eklac se lal ke yac 1830: “Ke pacl se nga lohngwack Wosa-suc uh ke Elder ah fahkwack ah, nga etuh lah pa puhsrwen Mwet Liyacacng Sip Wowo se.”² Elizabeth el ukwe puhsrwen Mwet Liyacacng Sip Wowo se ac tuh pacptaislac ac ahkkweyeyucklac.

Kuht kuh pac in lohng puhsrwen Mwet Liyacacng Sip Wowo se ac akacsruhi ke mwe luti Lal nuh sin mwet sahyac. Prestuhn Monson el fahk, “Kuht pa poun Leum inge fin facluh uh, ke kunohkohn se in kuhlwacnsap ac sruhk tuhlihk Nahtuhl uh.”³

Oacna ke mwet liyacacng sip se soklah sip tuhlaç soko, pahpah ninac kuh in suk sie tuhlihk suc fahsr liki luti luhn wosasuc uh. Prestuhn James E. Faust (1920–2007), Mwet in Kahsruh Ahkluo ke Prestuhnsi

Se Met, el fahk: “Nuh sin pahpah ninac kuf ke emtucng uh suc ma suwohswos, oaru, ac pruhe ke mwe luti nuh sin tuhlihk seahkos-twen uh, kuht fahk nuh suwos, Mwet Liyacacng Sip Wowo se liyactahlwacng. God El etuh ac kahlwem ke ahsor loal lowos an. Oasr finsrak.”⁴

MWE KAHSRUH

1. Thomas S. Monson, “Heavenly Homes, Forever Families,” *Liahona*, Jun 2006, 70.
2. Elizabeth Ann Whitney, ke *Daughters in My Kingdom: The History and Work of Relief Society* (2011), 128.
3. Thomas S. Monson, “Meac Nga Orwacrah nuh sin Mwet se Mihsenge uh?” *Liahona*, Nohfuhmpuh 2009, 86.
4. James E. Faust, “Dear Are the Sheep That Have Wandered,” *Liahona*, Mei 2003, 68.

Meac Nga Kuh In Oruh Uh?

1. Etuh lah Mwet Lahngo pa Mwet Liyacacng Sip Wowo se use fuhkah mihslac nuh in moul lasr uh?
2. Inkacnek fuhkah kuht ac luti nuh selos suc “tuhlaç” liki mu-kwikwi luhn Alu uh kuh suc tiac wi luhlalfongi lasr uh?
3. Nga kuh in tahpuhk fuhkah pahpah ninac uh suc tuhlihk nahtuh som liki moul luhn wosa-suc uh?